

Alegria y Fantasía

cu BON DIA ARUBA

Mi Holoshi, Best Show 1994. Ailene's Fan Club

Pa di 19 bez e muchanan di Aruba a celebrá nan eleccion di Reina Infantil, e aña aki aunque hopi bruhá, toch un anochi di espectáculo, na unda cada un di e candidatanan a lucí cu nan show, creatividad y colorido.

Apesar cu SAC su cara no a wordo sacá e aña aki pa un escenario bunita cu na ta custumbrá di trece, e espacio tabata necesario pa e piecenan grandi cu cada show a conta cuné.

E anochi a iniciá cu e presentacion inofficial di e 15 candidatanan cu nan trahe di Carnaval.

Cada candidata a presenta cu nan speech y por bisa cu e anochi su apoyo tabata concentrá riba e Reina di Rosario College, Kids in Action y Ailene's Fanclub.

Sabina Yarzagaray e candidata di Atlantis Submarine a lucí riba escenario cu su show di Fantasía bida marítimo. Su mensahe tabata mescos cu nos ta conservá limpieza di nos cura nos mester mantené nos lama limpi.

Shayenne Kock di Dakota bistí tur na geel a trece "Fantasía di schommel" na unda e la sa di combiná naturaleza di Aruba cu e 40 aña di Carnaval.

Melissa Lacle, e candidata di Santa Cruz tambe a presentá cu un fantasía di bida bao lama cu a encera un piec cu un cabay di awa cu un oester cu ta move. Precioso y masha bunita acabá.

Un creacion di Jairo Erasmus di JR Creations.

Candidata no 4. Jesselyne Franken di C.B. Piedra Plat,

lamentablemente no por a presentá debí na luto den famfa.

Candidata no. 5 Taisha Curiel di Savaneta a trece un fantasía di Magaly Maduro "Den nos mondi" cu a inclui Tirakochi, e mondi y su bailarinanan. E bistí di Taisha tabata impresionante di un color berde menta.

Derlaine Erasmus, e candidata di Paradera tambe tabata bunita, mientras cu Sharianty Muyale di Cheers a luci un fantasía cu su sponsor den un piec masha colorido. Mester remarcá cu Sharianty su música tabata hopi diferente y bunita.

Twijna v/d Biezen di Oranjestad a presenta cu un kasteel y Diasil d'Aguiar di San Nicolas cu "Kisses" chuculati.

Diana Boekhoudt di C.B. Playa Pabao a presentá cu un show di Pierewietje. Diana su bistí tabata un di e mas bunitanan.

Maribel Andrade, den representacion di Kids in Action a presenta cu su cabay blanco hunto cu tur su barienan. Un show masha bunita mes.

Alexandra Arends di Rosario College tambe a presenta un show masha bunita mes cu un mensahe pa

laga tur bestia cu ta sera den cuatiro pa laga nan liber.

Un fantasía di turtuga, shoko, papagayo y animalnan cu ta wordo persigui a compaña e preciosidad di candidata di Rosario College cu sigur tabata esun cu mas apoyo y a bai All the way. Rosario College a keda na di dos lugar pa loque ta Best Show.

E candidata di Noord Ana Maria Kelly tambe a bin cu un mensahe bunita atravez di su show. Un propio cancion na unda e ta canta cu ta prohibí pa tira animal.

E ganador di mihor show a resultá Ailene's Fan Club cu e Fantasía di Holoshi cu a covertí e cancion di "E truck bieuw di mi Tata" den su propio version di Mi Holoshi bieuw. Tur presente a aceptá e desicion aki. Ailene's Fanclub un biaha mas ta bai cu e premio aki.

Lianne Lampe di Ailene's Fan Club a train masha hopi mes pa e canta e cancion aki y e la hacie na perfeccion. E siman aki mes Lianne ta drentando sala di grabacion p'asina e laga su cancion rezoná den Carnaval.

Jenniree Geerman di Kids Star Fan Club a terminá e desfile di 16 candidatanan cu a luci di berdad mes.



Mi Holoshi, a keda eligi pa Prensa como Best Show 1994. Pa di dos aña siguí Ailene's Fan Club ta bai cu e título.



Reina di Rosario College a keda na di dos lugar como Best Show 1994

Rock & Roll
BOUTIQUE
CAYA BETICO CROES 49

25%-50%
CLEARANCE SALE LADIES WEAR

Nos tin un mesa yen
di paña pa

AFL. 25

PROBECHA
a caba di yega
BOOTS

Den nos man ta e noticianan di mundo

Haci nan di bo tur dia for di promé oranan
di mainta, suscribiendo riba

BON DIA
Aruba